



UNTUK SIARAN SEGERA

KENYATAAN MEDIA

MAKLUM BALAS BERKAITAN PENULARAN DI MEDIA SOSIAL TERMASUK APLIKASI *WHATSAPP* BERKENAAN KES ULAT BULU LAUT DI PORT DICKSON, NEGERI SEMBILAN

1. Jabatan Perikanan Malaysia (DOF) telah menjalankan siasatan terhadap penularan terdapatnya individu yang telah jatuh sakit akibat terkena sengatan ulat bulu laut. **Berita tersebut adalah dianggap palsu (tidak benar)** di mana sehingga kini tiada bukti tentang kejadian tersebut berlaku di Port Dickson.
2. Jabatan akan terus menyiasat, memantau dan berinteraksi dengan orang ramai, khususnya para nelayan. Hingga hari ini, tiada sebarang kes berkenaan spesies ulat bulu laut ini yang dikatakan 'menyerang' perairan Port Dickson sehingga menimbulkan kemudaratan kepada individu tertentu.
3. Berhubung perkara ini juga, pihak DOF telah menghubungi Pegawai Kesihatan Daerah Port Dickson dan dimaklumkan bahawa tiada laporan secara rasmi diterima oleh beliau berkaitan kejadian ini.
4. Sekiranya dakwaan tersebut adalah benar, pihak Jabatan mengesyaki ulat bulu tersebut adalah dari spesies *Chloeia flava*, yang terdapat di sekitar perairan Pantai Barat dan Pantai Timur. Ianya dikhuatiri beracun serta memudaratkan manusia yang terkena sengatannya, seperti radang, melecur, sakit (pedih), serta pelbagai kesan sampingan lain.

5. Walau bagaimanapun, pihak Jabatan akan melakukan pemantauan secara berterusan dan meminta orang ramai agar membuat laporan segera kepada Jabatan sekiranya menjumpai hidupan tersebut untuk tindakan pihak kami selanjutnya.

###

Kenyataan Media ini disiarkan oleh :

UNIT KOMUNIKASI KORPORAT

Ibu Pejabat, Jabatan Perikanan Malaysia
Wisma Tani, Putrajaya

20 Julai 2018 (Jumaat) jam 5 petang

Sebarang pertanyaan sila hubungi:-

No. Tel : 012-3569344 (Yazeereen)
013-6317313 (Sharir)

Email : ukk@dof.gov.my ; pro@dof.gov.my